

東臯先生詩序

古人謂詩文蓋言之精者也故能詩
必能文合是二者可謂能言之士矣
然竊恠世之能言者達而在上恒少
窮而在下恒多豈山林窮困之士業
專志勤故其工於辭者衆爵祿官達
之士意盈氣逸故其工於辭者寡歟



不然何言之工拙士之窮達異也有
能陟貴顯而肆力於辭章思欲與布
衣常帶專門名家之作者較其得失
短長馳騁上下斯不亦難矣哉以予
觀海陵馬侯其人也始侯以幕僚佐
予執政分省因得相與周旋每計事
之暇予有所作侯必繼而和之後予
致政家居侯位益顯名益彰職行藩
為賢宰輔領大郡為良牧守予意其
出入要途酬應蓋無虛日尚何暇以
文字相叩擊哉而侯遇休沐必過予
南亭之上問其詩未嘗不揚眉舒氣
歷歷為予誦之語及時事輒撫掌太
息其中有深憂者則又託為歌詠以

自鳴其不平辭不迫切而意極懇至
而於文則未之見也一日侯彙粹其
詩文若干卷持以示予徵一言以弁
其首予得而盡讀之喜曰富矣哉蓋
公不獨工於詩抑又工於文也其為
詩若樂府歌行若五七言近體等作
皆婉麗暢達組織工巧有關於名教
有切於諷諫其為文則以明理為主
故措辭嚴正而論事剴切足追古之
作者可謂能言之士矣侯以爵祿官
達之資勵山林窮苦之志不少懈而
益勤視一介之士窮居約處而後能
工於辭者其用心不亦難已哉雖然
予聞侯之母夫人乃宋胡安定公七

世外孫女也安定之學以明體適用
為要侯服膺外氏之先訓其於學術
蓋亦有所自矣使由是而勉焉則他
日所成又有出於詩文之外者序而
歸之識予之所深期於侯也侯名玉
麟字伯祥由三公掾起家為名執政
所至有能聲嘗自號東臯道人故名
其藁曰東臯漫藁云

至正二十五年二月甲子資政大夫
江南諸道行御史臺侍御史鄱陽周
伯琦序

東臯先生詩序

東臯馬公與余執久一日集所作之
詩文出示於余余竊喜之曰東臯仕
至宰臣縉紳之傑出詞林之秀拔性
情之發而為言者必有關於世教非
若雕蟲篆刻有之無補無之靡闕者
也乃於繩樞之下讀之再四其辭豪



宕聲韻諧和如冰弦鳳管而音響節
奏闊步於大唐之域此詩之效夫律
者也其辭婉曲思慮純正如玄酒大
羹而氣味冲澹竟升於晉宋之堂此
詩之擬夫選者也至於命意清新造
語工致節之短者若峭壁絕崖放之
舒者猶川流下注疾者如風檣戰馬
緩者若遲日遊絲知時之變盡人之
情哀怨悅樂模寫殆盡此詩之醞釀
為樂府者窺見夫香山之窟也夫古
之樂府片言隻字固不苟作而不苟
之中其於世教果有所闕焉古之近
體固有音響節奏矣古之選體亦有
氣味冲澹矣而音響節奏之中氣味

冲澹之內其於世教亦有所闕焉否
乎所謂世教者其綱有三其三有序
三綱者夫婦也父子也君臣也三者
之序有夫婦然後有父子有父子然
後有君臣綱之為教夫之與婦欲其
別父之與子欲其親君之與臣欲其
義東臯韻語有之矣歌搗衣一曲則
夫婦之倫秩然而有辨誦慈烏一章
則父子之情藹然而自見讀祭將士
一篇則君臣之道昭然而各盡其農
父謠曰家婦山城鵲皆其中之粹言
也且言者心之聲也詩者言之精也
人之有心感物而氣動氣動而聲出
聲出而言隨言之不足故咨嗟詠歎

以盡其性情之正者東臯其人也歟
因閱其詩乃摘其厚於人倫美於風
化可以移風易俗者而為之引云至
正丙午春三月上弦碧螺峯王宗堯
謹書

東臯先生詩集

附錄

東臯先生傳

先生姓馬氏諱玉麟字谷璣吳陵樊川人在近世以直言善政
伏一時有詩文若干卷名東臯湯藁故登其門者咸以東臯先
生稱焉先生幼聰慧鎮南王田獻詩四韻有弓開彎似月馬走
疾於風之句王大驚曰奇童也命取白金賜之既長晝經夜史
枕藉不厭而尤長於書用薦者言釋褐贛榆縣儒學教諭未幾
以母喪去官家居授徒遠近縻至孟城張士誠兵起先生乃奉
其考壽椿處士徙居平江及士誠革面詔拜太尉開府平江久
之聞先生賢辟為其府掾史遇事棘棘不阿初府歲貢未二十

東臯

傳

一

萬石至是朝廷以臯期督運左右欲罷之先生曰苟此食言則太尉失臣節矣左右色沮遽如數以運繇是陞長洲縣尹先生既祿篆即汰冗吏禁私謁立社學祠先哲耕織樂業風俗以敦鄰州常熟有李姓兄弟訟田輸貨柄用兩端不決遠決於先生諭以衷言皆感泣悔罪同爨如初嘉定趙姓亡金寃其妾父以庾死府使先生雪之一夕妾父見夢曰趙姓亡金某所盜也如夢雪之某果伏罪繇是自長洲縣尹累官至江浙行中書省分省員外郎贊其左丞周伯筠彌縫補闕以蕃王室時柄用者以吳楚重地須王爵撫綏狐媚太尉將請于朝先生颺言曰太尉苟恭順則王爵當自至矣何以請為太尉躡之而止丞相達識帖木兒聞之曰分省有馬負外事無憂也表為行中書省叅知政事命未下便宜擢本省郎中改平江路總管當行丞相脫衣

服之曰此衣上所賜也多汝賢勞故脫服汝屬歲大侵道殣相望先生言發于府不聽乃歎曰我以罪易民命可也輒發米萬石以賑之柄用者果欲以擅罪先生太尉曰咎在予太守何罪海寧州民以隙誣其大姓謀畔于府者逮繫頗衆欲盡劉之先生曰是必有隙請實之果然止坐誣民悉原其衆既為叅知政事國步日蹙先生上疏數千言不報因憂憤成疾居無何大軍下平江先生賦詩見志有囊中短疏成遺恨之句遂仰藥而臥或掖以見總兵先生曰我疾不能屈膝矣尋卒先生卒後之二十六年為洪武二十五年嗣子敬以先生行實授遜速傳遜受閱之而其直言善政之可書者歷歷若此哉作東臯先生傳贊曰嗟乎予觀人臣之仕近世而能周旋以正從容以忠槩不多見也若東臯先生之仕近世裁一小官釋褐及太尉開府丞

相便宜一旦奮身就辟卒致大官而能周旋以正於罷歲運於
請王爵則以直言折之是知太尉初心恭順不失臣節於朝廷
者大抵先生力也及國步日蹙上疏不報從容賦詩仰藥不二
非忠何哉予故傳而列之以為人臣之事君者勸焉

東臯先生詩集卷之一

五言古詩

擬古

朝分箔上蠶暮采陌上桑
桑盡蠶已成繰絲雪盈筐
東家綠窻女染絲滿高堂
所重好顏色將欲媚春光
妾心不敢效特以問
姑嫜姑嫜為妾言
染絲當染黃織成龍
袞衣年々貢君王

雜詩

子房佐漢室竹帛多奇勳
嚴光釣桐江白髮甘隱淪
出處雖大異名節固其倫
願余衰朽質青雲徒致身
欲買釣竿去上有堯舜君

東臯

卷一

一

國家圖書館, NATIONAL CENTRAL LIBRARY, TAIWAN, R.O.C.



海陵馬玉麟著
滄洲野客校正

操也能用武彷彿如孫吳直倚奸雄姿擅威肆狂圖終焉移漢
祚羣雄假天誅三分勢未定回首萬骨枯當時荀與郭自非伊
周徒

秋懷

高人坐中庭蟲鳴在前軒鳴聲似有意暫嘿時復喧顧彼庭中
人聽之心已煩好同龍蛇蟄此意誰與論
堂前雙桐樹葉如翡翠一夕秋風生顏色竟凋瘁落葉作雨
聲遊子不成寐感此時物遷况乃鄉土異曠懷無隱憂有酒且
一醉

從軍

北風吹遊子十年在邊城雖懷忠義志能無父母情望、傷遠
道關河正交兵家書久斷絕、淚縱橫

落日下轅門西風暮蕭、擊柝月在地循天斗回杓將軍有嚴
令壯士不敢驕功成當封侯歲久寧憚勞

詠懷

勞生非素情祿仕為親謀况茲離亂間俛仰增百憂君恩未及
報白髮已滿頭飄、渥洼姿所志崑崙丘蓋車困棧道悵望萬
里秋相看勿悲酸桑麻近西疇

次韻饒介之吳門雜詩五首

霜風薄秋氣木落山無衣杖策登高臺古思空依、銅駝翳
宿莽殘碑卧顏基夫差邈已遠翠華曾駐茲山河儼如舊父老
哀當時屬婁死忠義甬東悔何追興亡固天道禍胎由佞辭令
人抱遺恨嗚呼諫諍姿

扁舟何處來夜深汎平湖湖光蕩晴影鴻雁鳴霜蕪燈火遠明

滅人家隔沙虛徘徊發清興重憶前賢居古樹倚絕壁新篁共
扶疎吾生雖異世孰非斯人徒

日月苦易邁川流無整駐百卉豔春暉衆木墮秋雨暎彼山中
人躬耕事南畝俛仰無愧怍寧復厭貧窶願言與之歸相從歲
云暮

秋高天宇空夜寒積霜露感時愁我心對酒情獨忤鬢髮早已
白寒暑來復去人生無久榮萬物會有故前時英雄姿衣冠付
丘土撫劔發浩歌悠々哀徃古

侵晨出吳門馬首日杲々涼颺發荒桂江空秋氣早芙蓉被北
渚木葉滿長道人生天地間萬事焉可保風俗尚頽波茫茫百
川導嗟余樗散姿厚祿愧叨冒回首見南山蒼々為誰好

古意

陽岡有梧桐鳳凰鳴高枝長養藉雨露况乃歷歲時虞廷須琴
瑟雕琢在工師冷々水絲絃粲々黃金徽一彈春雷奮再鼓蛟
龍飛調古意轉深三復成獨吟齊門不可造耿々懷知音

天驥有龍骨來從渥洼津沙場餘百戰馳騁無比倫將軍已
戰死有功難具陳歸來首霜場俛仰悲寒雲太行服鹽車駕駝
堪同羣尾湛肘亦潰膝折蹄仍伸英雄且黃土何用哀酸辛

小丹丘為陳敬初作

邈彼丹丘山窈窕如桃源飛樓集鳴鳳曾厓嘯清猿溪明綯
鼉采石古滋蘚痕羽人或從遊風景難具論君子昔居此別
久縈心竟縮地遠莫致結想烟霧繁積石象巖穴開軒俯林
園采芝隨鶴步橫琴坐松根青雲在咫尺逍遙以忘言

棲老園為庶子作

幽亭寄東園檀欒蔭嘉樹，
玉堂人託此養貞素。綸巾白羽扇，
佩服文玉璐。退食有餘清，
開軒領佳趣。颺涼叢桂秋，
雨暗喬木暮。靄雲翳林青，
草綠路丹光。夜霏微，
磐石碁錯布。更有青衣仙，
日來杖屨。裴徊情共適，
逍遙神與悟。載思綠野堂，
高風感裴度。

世壽堂為張天民作

嵯峨勾曲山，蜿蜒來崆峒。
雨峯連秀色，遠勢如游龍。
幽人宅其陽，堂構凌秋空。
菊潭黃金明，枸杞丹砂紅。
采實供服餌，飲水資顏容。
堂下五世孫，堂上百歲翁。
烏巾玉鳩杖，炯炯雙青瞳。
諸孫亦須白，襟珮長相從。
復有梁棟材，致身青雲中。
紫衣映象笏，祿養亦已豐。
神龜息池蓮，老鶴巢磻松。
感茲各有託，熙熙藉鴻蒙。
願言培令德，壽考將無窮。

香晚軒為耿叔昭作

上春樹嘉菊，秋花滿西園。
冉冉晚色淨，滾滾朝露繁。
清芬散書帙，落英具盤飧。
東籬無可人，南山對忘言。
飲泉資高年，貽謀到諸孫。
猗蘭被幽徑，叢桂蔭衡門。
榮名豈足貴，端然吾道尊。
俯仰無愧怍，浮休任乾坤。

溪山曉渡圖為蘇昌齡作

遠山矗芙蓉，亭翠如削山頭旭。
日紅雨氣散林薄，高低亂雲錦青紅。
炫樓閣危橋，東奔湍飛瀑。
下幽壑塵埃官道中，車馬互參錯。
馬鳴立沙際，車停望田郭。
遠渡波正深，中流思有托。
欲行且遲，日夕風雨惡。
回首白雲多，山中有餘樂。

唐伯剛幽居

唐侯不受官，移家水雲鄉。
養鶴置湖田，種魚買陂塘。
蒲荷亂書

帙薜荔穿衣裳黃鳥下窺人白雲飛近牀擘舟時一過為我開
高堂金石雜鼎彝烟霞爛文章行厨薦嘉鯉澗毛慙新嘗清歌
窈窕出紫酒蒲萄香萬事付春夢百榼送流光余髮昔如漆把
鏡今已霜負郭二頃田繞墻百株桑早晚落吾手願與歌滄浪

寄靈山贈厚子元長老

峩峩穿窳山肅肅招提境縈迂憩綠水池名裴徊照清影扶高木
葉空日落雲氣冷松篁遠更密冠巾歌復整殷勤避世人招邀
煮山茗別久嗟亂離茲來惜俄頃十年事虛名一身如斷梗亦
欲近前峰臨流放漁艇

幻住菴贈照上人

出郭窮幽探秋風着屐屨睠此山水佳僧居在烟霧雲生澗畔
竹日落天邊樹昔之湯休徒莖草樂深趣琴床鶴翎委袈裟燕
泥污我來發清興徘徊重追慕有孫希道林栖遲養貞素平生
有至性與物少嗔忤不謂戎馬間解后得相遇春芽啜復煮莓
苔晚仍步黃葉墮鳥飛青萍亂魚噉因之見物理塵心一開悟
功名果何為流光去如驚明當謝塵鞅相從慰遲暮

陪周伯溫左丞遊卧佛寺和趙松雪韻

踈林逗涼雲清颺發秋韻野色淡孤芳煙光沐餘潤天機神猶
玉墨妙意所蘊裴回思哲人急景同一瞬

次韻張士行遊靈巖山

靈巖古名山千仞出天表右窺闔閭隘左瞰具區小市塵尚茫
茫烟水无渺渺諸天幻樓觀倒影墮林杪金刹聚河沙華鯨送
昏曉崖陰栗虎豹樹暗悅禽鳥僧窓敞虛寂樵徑度深窈鼎熟
松風鳴鑪温栢烟繞登高一長嘯弔古動憂悵鳴夷不可招目

送秋天香

次韻張士行遊希丘山

闔閭千載後臺榭遺山丘金銀達夜氣鳧雁翥清秋
劔池閱蛟龍經臺隱松楸我登丹霞梯振衣山上頭
極目窮五湖延矚隘九州烟塵正傾洞東南成滯留
維吳古王國伯業盛東周玉帛通鎬京黃池會諸侯
水犀散夫椒西施醉長洲血碧屬婁劔風順鷁夷舟
至今姑蘇臺指顧麋鹿遊吳歛何處起忽、令人愁
次韻張士行遊天平山

舟維石湖濱步入青蓮界木葉墮馬前落日飛鳥外
魏、忠烈祠英爽儼如在我來起遐想相率重瞻拜
微雨洒輕塵涼飈動飛蓋汪洋盛文史談辯恣豪邁
並驅陟重岡攀蘿競先快鯨牙互巉岬龍門閼奇怪
下山目少憇僧舍尤可愛新菡煮山泉長松奏天籟
洗竹近雲霞移蘭遠蕭艾平生江海心撫景頓增慨
買山志未遂流光去難再臨風發浩歌作詩紀文會

憶兄

鴻雁雙南翔嗚、下滄洲夜雨蕪葭深西風蒲稗秋
鷹隼隼橫高空驚飛各悠、一鳴江之南一鳴淮水頭
南北遙相望何由重追求

送胡季城主簿之陽朔

客從燕山來翻、將何之陽朔在萬里路遠心先馳
迢、渡三湘歷、逾九疑夕嵐似湧霧朝雨如散絲殊方
異寒燠逆旅感歲時蘭徑百草晦風林羣鳥悲邊城
屢讎覆落日多旌旗臨歧未忍發對酒傷別離願言
重調攝紓我長相思

東臯先生詩卷之二

七言古詩

田家婦

妾身住家近農畝新年嫁作田家婦上堂拜姑阿姑喜把酒殷
勤為姑壽銀釵斜插雲鬢光鮮々白紵裁衣裳春來養蠶々更
好綠雲繞屋生柔柔晴窓綵絲織綾絹盡與阿翁送州縣阿姑
莫愁妾無衣此身已許甘貧賤白日插秧夜績麻手足胼胝無
怨嗟不似燕城富家女雙鬟堆鬢顏如花深閨初長纜二八一
朝嫁與商人家商人告別雒陽去樓船又販南昌茶東州西縣
不相見何如種田雙踏車

去妾詞

東臯

卷二

一

滄洲野客校正

國家圖書館, NATIONAL CENTRAL LIBRARY, TAIWAN, R.O.C.

妾家雒陽城裏住，獨閉深閨事機杼。少年顏色已傾城，十八新粧嫁夫主。夫君遺我金鳳凰，妾亦繡與雙鴛鴦。愁山遠翠隔雲母，眼角紅塗蘇合香。誓言同諧百年好，年々髮插宜男草。綠窓把鏡照紅顏，不覺紅顏鏡中老。夫君棄我生別離，新愁舊誓天應知。鴛鴦何有鳳釵在，江水東流無盡期。楊花多趁東風起，妾志寧為藕花死。自古色衰人愛弛，賤妾思君獨何已。

烏鵲篇

東家百尺長松樹，鵲亦營巢烏亦聚。春風秋雨爭飛鳴，年去年來幾朝暮。主家喜鵲願鵲來，不欲烏啼欲烏去。烏兮烏兮莫遠飛，挾彈王孫在官路。

妾婦詞

玉繩低垂明月落，砧杵秋聲滿城郭。夫君戰死閨門西，妾有征衣寄誰着。隣家燈火縫秋衣，辛勤准備征人歸。妾身憔悴妾心苦，含情忍見孤鴻飛。孤鴻哀，妾欲死妾死何人奉。甘旨阿翁九十阿姑病，夫也還知妾如此。妾心不似楊柳花，陌上因風又吹起。

慈烏篇

秋林瑟瑟風淒淒，中有白頭烏。自棲霜寒月皎木，葉下老烏哺雛。亂啼幾番飲啄早，還暮水食未將重迴顧。一朝雛成振羽毛，烏更低飛復將護。大雛驚彈久不歸，小雛獨傍新巢飛。老烏病翻啼不息，小雛隻影情依依。反哺食甘烏病愈，烏顧小雛時若語。中心哀，念大雛何日東歸得。同聚小雛晨啼到日晡，願天假年及老烏。一年三百六旬又六日，日十二時時哺雛遲。愛日雛更喜誰人為雛畫，作反哺圖。

搗衣曲

江南九月天，雨霜秋風蕭。梧葉黃，卽君遠戍青塞上。經時不得寄衣裳，前年有絲無着處。織成綾羅盡，將去今年蠶病愁。阿姑有絲不足償，官租思君展轉心。獨苦坐對青燈淚，如雨且將遺下舊時衣。補短縫長向砧杵，千聲萬聲愁奈何。那得隨風度遼河，遼河之水幾千尺，不似妾心離恨多。城頭慈烏夜復啼，涼月皎，風淒淒，衣成封裹寄君着。用盡妾心知不知，再韶光去如箭，不識何時罷征戰。歸來共採雙芙蓉，白頭與君守貧賤。

海舶行送趙克和任市舶提舉

玉峰山前滄海濱，南風海舶來如雲。大艘龍驤駕萬斛，小船星列羅秋旻。舵樓撾鼓近沙浦，黃帽唱歌鳴健艣。海口人家把酒迎，爭接前年富商賈。蕃人泊舟各邀請，白纒纏頭雪垂領。珊瑚光映文犀寒，荔子香生蔗漿冷。明珠錯落官署前，舊官已去新官賢。尋常錙銖不與較，左右無敢公需錢。番人舉手躍還舞，盡說江南好官府。明朝獲利歸故鄉，相率隣船入中土。趙君自是清獻孫，為官十載家常貧。朝廷豈在貴異物，用汝司征懷遠人。

鵲鴝詞送劉義士歸廣東

琵琶洲前雙鵲鴝，秋風吹寒飛復鳴。低回高舉自相向，水煖東湖芳草平。倏然分飛竟何止，一落吳淞飲江水。一飛遙隔滄海遠，入蜃民烟瘴裏。十年不得同伴歸，萬里急難情義違。棠棣花開又花落，滿眼風塵相見稀。廣城嵐氣散絲雨，長日寥寥嘆無侶。經時不食秋水寒，寂寞蕞萑委毛羽。沙頭白日生黃蘆，中有反哺之孤雛。孤雛欲歸海天遠，哀鳴念隨飛鳧飛鳧不識。雖歸路偶入劉郎碧桃樹，劉郎為雛重丁寧。汝族至今在吳住。

南風引汝向北飛，好去蒼茫東海西。闔城邊春草綠，望汝歸來同汝栖。雖歸見親喜，還舞忘却從前道。途苦雖兮雖兮，慎勿忘劉郎高義傳千古。

城南遊次韻張光弼

城南遊東風浩，吹蘭舟落花風送滿湖水。花氣欲上衣裾，浮船頭山色翠可拾。船尾雙，來白鷗妾家只在湖西住。記得搖舩送郎去，十年不寄一封書。怨殺青年如水度天涯，芳草年，綠雙眼遙，隔塵霧重憶深閨初長成十五。新粧嫁都護，春風又開陌上花都護。如今在何處，離情還托琴上絃。圓缺相看月中兔，繁華易歇人易老。羞向花前嘆衰暮，隣家有女鬢絲黑。嫁得新郎得郎力，綠窓沉，朝畫眉歡洽相逢人莫測。看花無語淚復傾，妾心自是水蘖清。城南回首秋霜冷，依舊搥衣雙杵鳴。

弁山青送沈縣丞之武康兼寄陳元理總管

弁山青蒼水綠，吳儂生長山水間。樂業安居多富足，一朝湖上見旌旗。人家半是逃亡屋，去年郡守陳太立。痛民疾苦寬民憂，科差只恐盡民力。直氣敢犯無公侯，作郡來今風景異。二麥青青接官署，綠陰桑柘浴吳蠶。細雨春溪漚山苧，隴頭麥熟供官租。蠶絲上機忙，婦姑麥堪炊飯。絲織絹今歲強如前歲，無聞說武康民尚苦。山空人稀走豺虎，不愁無田事耕稼。但願循良作慈父，沈君自是循良材。雅與郡守同襟懷，送君及早上官去。縣民日夜思君來。

鄞江漁者為陳仲謙作

越山高差峩，鄞水清且寒。美人結茆屋，臨流歌考槃。門前潮落鷗鷺起，短蒲根魚散。子綠蓑小艇破，早烟晴日霜絲拂。江水

釣魚有無心不憂青山日夕當船頭鳴榔斷沙浦繫纜杜若洲
青錢三百且沽酒白髮幾人開笑口東風細細落桃花金鯉獲
獲貫楊柳醉來對月舞婆婆何用黃金八百駝放浪鄞江上往
來越山阿不覽戰國書不作飯牛歌從來富貴憂患多從來富
貴憂患多

剡溪九曲為陳子經作

越州之山天下奇遠勢入海羣龍飛蓬萊玉笥下磅礴鄞江剡
水相因依潺湲轉壑作琴筑縈朝驚虺時斷續半空環佩雜靈
雨兩岬桃花映茆屋苔封石硯青嶙峋千載空懷王右軍鷺群
散渚狎鷗鷺鳥道極天生白雲丹書峨峨赤如漆翠華當年曾
駐蹕古杉高樹影參差疑是旌旗動晴日峰頭夜發雙芙蓉金
銀樓閣仙人居春鬢翡翠擁烟霧武夷彷彿追匡廬紫陽先生
武夷住山自淳熙名始著殿中移家屋剡源四百年間德星聚
雲仍奕葉今異常議論咳唾皆文章皎如玉樹凜冰雪走如麒
麟飛鳳凰只今通籍黃金闕鄉夢時時繞林樾與君更待風塵
清掛席源頭拾明月

黑河秋雨為祖生賦琵琶

何人斲就瓊樹枝曾調漢家宮裏詞低昂月轉翠鳳首大小白
絀春蠶絲新腔番出梁州譜飛絮遊絲下庭宇夜靜羣魚出水
聽日長青鳥迴翔舞須臾轉軸聞秋聲千騎萬騎平沙行霜乾
草枯一雁下天空雪冷悲風生昭君馬上傷離別豈意殊恩中
道絕曲中無限故鄉愁淚落潯陽江上月花前把酒為君語重
憶當年過戎虜匡廬夢覺金山陰聽徹黑河秋雨

題采菱圖

湖上誰家采菱女短棹輕舟泛蘭渚青鬟一尺玉瓏璫翠濕紅
鮮嬌楚々菱葉翻風湖水光綠楊裊娜山青蒼蒲根鯉魚吹浪
起船頭飛過雙鴛鴦日西采菱出南浦兩々相依喚相語東家
婆婦流黃機半壁青燈照秋雨

江風山月樓圖為熊九皋作

揚州城南江水頭市上馬車如水流下有龍驤萬斛之大艦上
有熊家百尺之飛樓々前風落春潮白海口月高山影直爛熳
鶯啼開杏花窈窕娥眉拂春碧吳歌楚舞散復聚趙瑟秦箏朝
向夕花間綠酒雙玉瓶少年曾是樓中客捲簾整我頭上冠憑
虛俯瞰金焦山濤驚雷吼駕絕壁雲容雨態環飛鸞須臾烟浪
蟠蛟起只尺雲帆數千里白鷺洲當赤壁磯秣陵酒香桃葉水
今古英雄幾戰爭向來不見風塵清舊時臺榭總荆棘撫卷令
人生遠情生遠情添白髮十載飄零在吳越幾時蟻舟瓜渚下
重醉江風與山月

慶壽堂為鮑治中作

堂中老翁年八十矍鑠長身如玉立婆娑鶴髮映童顏相見王
侯但長揖太平讀書雲水鄉黃楊為冠荷為裳有時夜船放湖
上臥看星斗歌滄浪人生幾人得如此翁復起家能教子十年
淮海齊風雲東閣諸郎半紅紫記翁前年來入吳繞屋盡種青
珊瑚南窓日著潛夫論東壁坐看高山圖金盤斫鱠飛白雪華
堂行酒傾玉壺親朋起舞慶翁壽翁醉諸郎爭掖扶我家壽椿
堂亦好樹下班衣日環繞但願我翁與若翁百年同向淮南老

茶詩次韻饒介之

我本山中種茶者年々采掇青林下春芽摘得滿筠籠和露更

帶山雲瀉然松曉焙萬竹烟洗鼎遠致陸羽泉喜看雪乳翻沆
漉坐使玉碗將婢娟醉樵先生住山裏醉即來呼茶漱齒有時
大啜散宿醒喜極新詩題滿紙年來寂寞嗟舊莖夢裏彷彿抽
新茸煩襟當暑渴欲倒打門誰復驚盧仝聞君珍藏更奇絕分
寄母勞印重疊竹邊小閣不厭過同生清陰煮香雪

次韻楊孟載約看范園杏花

春雨聲乾春日晴杏花參差開滿城魏公園裏花偏好却憶去
年携酒行紛紛車馬馳官道今日遊人跡如掃繁枝艷蕊向東
風香雪殘霞點芳草花間亭子今尚存舊遊勝事無復論光陰
如此那得意花容寂寞同銷魂記得蛾眉花樹下相呼折花
滿把西征年少去不還當時插花人見寡世事誰知與願違相
看無語對斜暉烟華城闕連燈火不似清酣馬上歸

行路難

行路難千萬里巉岫太行山百折交河水河深水冷愁早渡山
高石側難跬步斷岡峻坂互歌傾烏道羊腸復回顧東西輪軸
忽相撐大牛小牛死橫路行路難獨辛酸平沙飛雪來桑乾天
寒遊子衣裳單朔風吹人膚欲裂野暝無人轉愁絕秦家長城
一萬里草痕尚帶當時血行路難淚如洗蜀道崎嶇不容軌天
梯蘄截墮孤猿石棧陰森泣山鬼喫猢猻磨牙走豺虎短狐含沙
雜蛇虺行路難如登天向來黑髮今皤然屠龍技拙志已矣行
馬膝折蹄仍穿盍歸來勿盤桓何人識我憔悴顏到家上堂拜
父母閨門抱膝猶長嘆

東臯先生詩卷之三

滄洲野客校正

五言律詩

行春有感二首

宰邑慚何補，行春意轉多。
居民纔復業，官府尚催科。
積水空魚鳥，頽垣長薜蘿。
官船隨處泊，落日奈愁何。
有詩驅俗慮，無酒破愁城。
曉雨聽初歇，春潮看又平。
幾年遭戰伐，百里廢農耕。
政拙民無賴，駁白髮生。

送僧遊越中

羨爾遠遊僧，能忝寂上乘。
師傳雙樹法，龕別九華燈。
山赤霞初曙，江寒水欲冰。
天台如徧禮，歸卧白雲層。

送謝叅軍陳長史赴京

東臯

卷三

舟發闔閭城，翮上玉京論功須。近席對表更陳情。官寺頻將酒宮厨，定賜羹。明年二三月，歸馬聽啼鶯。

次韻陳叅政山中雜詩三首

聞說山居好，春晴花亂開。鶴尋幽處宿，人自望中來。野色終朝雨，松陰一徑苔。為多歸隱趣，此地重徘徊。池淨苔含綠，林深月在梢。竹林花霧合，蘭徑樹陰交。高義思陳寔，清吟憶孟郊。休期暫歸隱，野老莫相嘲。結屋西山下，栽花接四隣。興來時放鶴，酒熟自留人。勲業今先老，衣冠古逸民。有田堪種秫，家計未全貧。

感懷二首

飄泊三年客，栖遲一病身。朝廷多事日，桃李異鄉春。吏隱逢迎少，愁來感慨頻。但能全節操，何患走風塵。

十年江漢上，飄泊一浮萍。道遠思騏驥，沙寒念鶴鷄。馮唐頭已白，阮籍眼猶青。寫得匡時疏，憑誰達帝庭。

磧砂寺訪僧兼懷倪元鎮

為愛磧砂寺，乘風湖上歸。尋僧分越茗，沽酒典春衣。江樹重見沙鷗箇，飛雲林有高士自采北山薇。

過高元善松雲巢次韻錢伯行

五老雲深處，題詩客又來。鳥衝黃葉下，魚噉綠萍開。簾影籠書帙，花陰落酒杯。襟期要傾寫，欲去更徘徊。

過閭院使草亭次韻蘇昌齡

小亭松栢裏，遠景畫圖中。空翠芭蕉雨，清香菡萏風。路從微徑入，水向曲池通。雪藕調冰處，襟期許我同。

嘉禾道中分韻得人字

曉發嘉禾驛鶯啼柳外春幾家臨水處雙葉賣花人細雨東風
急滄洲杜若新武陵明日到騎馬踏芳塵

用仇山村先生韻贈枯林長老

為愛枯林叟幽棲不到城香銷禪榻靜雲卧衲衣輕道在身無
病神全夢不驚相逢坐中夜又得話無生

舟次石湖

得此東風便飛帆過石湖日光連雨澹嵐氣到山無楊柳頻啼
鳥波濤亂浴鳧可無行樂意有酒况盈壺

贈別王伯純

深得山林趣悠然謝世氛近鷗聽夜雨將鹿卧春雲酒熟青田
秫羹香碧澗芹風塵滿江海此別獨慙君

虎丘山用柳道傳先生韻

高城落日下榭擁半山青野鳥啼還歇溪雲去復停微官猶是
客此日慙忘形為愛生公石移尊上小亭

送周叅政之淮南

淮海方千里干戈已十年空城惟草木遠塞尚烽烟我獨懷深
慮誰令解倒懸自非匡濟畧難秉化工權大府推人望群公屬
子賢完成功獨最奉使對仍專北闕心常在南州石已鐫選膺
諸彥表歸在衆人先劔影驚魚鳥潮聲送旆旃印垂朱紱重身
著錦衣鮮日落江沉樹風清月在船吏人迎水滸父老拜車前
民瘼從容問官租次第蠲功名今舊發鄉里賴周旋把酒情難
盡題詩夢易穿深期榭勲業留付史臣編

送劉治中轉輸淮楚魚寄省幕諸公

上相專征日樓船過海隅虎符徵列郡龍節渡三吳後騎翻營

出前軍負弩驅江波
明組綬野樹拂螫弧
氣奪豐城劍光還
甍社珠羽書追電急
油幕帶星趨將佐俱
英武即官盡碩儒
孔璋多藻思元凱足嘉謨
千里勞征戰三軍重轉輸
祇應劉別駕端可贊良圖

張氏母詩

長沙張氏母當代盡推賢
問學惟孤子終身不二天
自炊茹屋飯時誦栢舟篇
旅食三千里孀居四十年
蛙鳴春漚芋蠶老夜張綿
絰亂愁難寫承家賴有傳
百年如曉露一夢隔重泉
帳冷冰霜在機閑杼軸懸
子憂心獨苦烏養志空憐
刻石銘貞節應歸太史編

東臯先生詩卷之三終

東臯先生詩卷之四

七言律詩

錢塘懷古

一上高城一愴懷
臨風弔古更堪哀
中興未雪亡家恨
南渡先傷濟世才
甲第總巢新燕雀
飛花仍落舊池臺
鳳凰山下空春草
惟有江潮日一來

越山懷古

越山亭畔草萋萋
此日登臨意轉迷
故國池臺馴鹿卧
壞陵風雨暮鴉啼
千岩春色連秦望
雙磡泉聲到剡溪
撫景令人思范蠡
五湖烟水事幽棲

送湖廣省丁長山郎中赴京

滄洲野客校正

郎官獻捷上青霄萬里風塵使節遙入奏天廷膺寵錫為陳海
徽因征徭褒忠丹詔宜先下報國英魂尚未招多少蠻民烟瘴
裏江頭日、待歸輶

聽雨樓夜坐次韻張仲舉學士

江雨飛來夜氣澄小樓高處冷於冰聲留蕉葉頻敲枕影亂蒼
花獨對燈遠客異鄉添白髮故人何處擁青綾致君堯舜慙無
術思入湖田睡未能

舟過福山

北望狼山五點烟茫茫天塹幾經年雲低赤壁磯頭月潮落黃
絲浦外船自憶孔明匡蜀主更懷公瑾遇孫權古今多少英雄
恨回首東風思惘然

次韻周伯溫左丞過洞庭山

我愛洞庭湖上山芙蓉兩朵碧霄間雷聲起谷雨時到雲氣逼
人龍夜還地限天南通越國路從水底出秦關登高送遠懷千
古却羨漁舟箇、閑

送廉子友入閩

送子風塵思不堪金尊未倒意先酣半江落木時、兩一路青
山處、嵐海舶順潮來翡翠郵籤馳道貢黃柑遙知別後重相
憶夢繞飛鸞更向南

贈玉山天錫二上人

愛爾羊標好弟兄無生境界一時登幾年共說東西法此日同
叅大小乘補衲曉分慈母線翻經夜對祖師燈鶴鷄原上秋宵
月照徹清寒萬壑冰

次韻蘇昌齡遊靈巖山

靈巖佳麗人誰到此是東吳第一山
閣道迥臨霄漢上鍾聲半
落水雲間自從環珮凌波去無復笙簾
載月還不用登臨慨前
古一尊春酒且開顏

次韻酌謝叅軍入京道中見寄

叅軍持節燕京去正是層冰積雪中
紫氣射吳龍劍出神駒入
冀馬群空中興事業須公等萬里安危在
總戎好寫河山新制
作歸來江上一尊同

次韻孟天偉

扁舟隨處泛滄波茆屋從教長薜蘿
滿地落花清晝永一溪
春水綠陰多寫經許客籠鵝去問字無人
載酒過不似雙梧亭
子上東風錦瑟玉奴歌

次韻陳子山學士貽俊用章和尚

中竺山中老大顛翻、法馭喜朝天錫飛一鶴
隨雲下經罷雙
龍抱月眠南國勝緣當此日東林
歸隱擬他年師還賸汲源頭
水好向春風種白蓮

送張員外之越中

萬里歸來氣似虹獨將長劍倚秋風
銀河未遂乘槎興黃石先
收借筭功刁斗夜鳴霜月冷旌旗
曉出瘴烟空馬頭明日江南
去定有新詩滿越中

送勤上人還錢唐魚寄諸山長老

曾過西湖、上山金銀樓閣翠微間
石雲影散開圖画天樂聲
回雜佩環僧臘只餘瘦樹在禪心
應似一鷗閑五峰耆舊如相
問為說年來鬢易斑

送僕知州自崑山調嘉定

三載憂勤白髮生，又從隣壤去專城。一江潮水分南北，兩岸歌
謠互送迎。碧櫺雲低帆影小，紫微天近日華明。宸功首入中書
考，畫戟堂深聽履聲。

遊穹窿山觀鄭明德所題趙觀文墳詩，因次韻以悼之。
穹碑剝落見遺文，白髮僧言是趙墳。木客為誰悲落日，石人無
語卧寒雲。近湖路向山腰轉，過兩泉從谷口分。三絕廣文今已
矣，青衫從事獨怜君。

題因了菴詩藁

沙門禮樂漢文章，獨喜僧中有此郎。惠遠肯分彭澤酒，杜陵未
識贊公房。錦雲爛出天輪巧，貝月孤懸夜有光。佛法年來凋弊
甚，五峯松栢晚蒼蒼。

題蕭處士行卷

夜半雞鳴函谷關，暫尋仙客入茆山。愁看妻子經年別，喜在風
塵一日還。結屋白雲同鶴住，放舟春雨伴鷗閑。歸來負郭田堪
種，愧我遲回玉笋班。

次韻酬鼎虛中長老

東南隱者最清虛，大室談經禮法嚴。春雨及時收笋蕨，野齋隨
分飽虀鹽。枯禪有味風生席，瘦影無塵月滿簾。我欲廬山尋惠
遠，一官未解愧陶潛。

贈倪元鎮

夫差城裏乍逢君，爽氣凌秋迴不群。爽々衣裳裁白雪，飄々
巾幘岸春雲。輞川畫擬唐摩詰，棊几書臨晉右軍。不出草堂三
十載，北山無處覓移文。

范文正公忠烈祠

闔閭城外天平寺忠烈英靈在此山千載出師關相業九重抗
疏動天顏平生功蓋乾坤內有子名齊伯仲間三酹先生古祠
下裴徊瞻慕夜深還

次韻周伯溫左丞遊靈巖山

吳王臺榭幾經春草色年來綠更新響傑廊閑僧供佛鼓琴
臺冷鬼迷人松林落子敲碁局苔徑生花漬石麟回首白雲歸
去晚紫騮帶月入城闈

次韻王本中學士見寄

故人天上獨相思我亦逢秋歎別離對酒自憐隨處客挑燈重
和寄來詩白雲高樹烏啼早秋兩長淮雁到遲江北江南重回
首乾坤此日半瘡痍

次韻王疇明遊杭州海會寺

清秋樓閣聳岩堯直上層顛俯市朝紅樹青山歲宿雨空江淡
日起寒潮百年南渡無遺老千古西陵有斷橋賴尔風流王長
史登高能賦酒全銷

禁酒

天上浮雲翳酒星人間那復喚蘭生黃花應咲陶彭澤白髮空
愁阮步兵坐久謾勞邀月問夢回不用愛江清從今秉燭虛長
夜舉世無人許絕纓

題湖州沈自誠水竹居

水晶樓閣淨消，竹色湖波共一壘雨氣入簾風滿几月光流
屋翠生烟九疑只尺連湘浦千畝蒼茫接渭川南市小舡如着
我筆牀茶竈過年，

酒邊次韻王季野

門前楊柳拂晴波，樓外青山擁翠螺。
錦瑟正宜桑落酒，佳人低唱竹枝歌。
功名自分青霄遠，江海誰憐白髮多。
明日相期五湖上，一竿投老雨中蓑。

鶴瓢為李道士作

青城道士思翩，幻得瓢成骨是仙。
光吐丹砂懸石壁，影隨明月落芝田。
曾過縹緲瓊樓外，不到清冷潁水邊。
高致也堪居陋巷，莫教飛去破茶烟。

載夢舟為楊孟載作

卧隨蝶化泛滄溟，滿載秋雲宿遠汀。
萬里孤蓬雙鬢白，幾回夜雨一燈青。
烏啼月落鍾初斷，鶴去潮平酒未醒。
懷抱覺來清似水，起從河漢數明星。

次韻張負外遊華山寺

扶藜曉登千仞岡，白雲喬、飄僧房。
松根茯苓作龍虎，竹花結實棲鸞凰。
雙峯泉落散微雨，文室風清傳妙香。
道人邀我坐深夜，分得中庭月一方。

送謝元功省親

山中讀書恒苦飢，出門已扶扶顛危。
懷材豈意不我用，彈鋏有時還自悲。
黃塵落日暗江海，白髮高堂勞夢思。
東歸未可久留滯，明主求賢終見知。

次韻酬成原彰

先生移家江水東，彷彿避地高岩翁。
故人書札時自寄，華髮酒尊今屢空。
南山北山有佳趣，千古萬古懷高風。
幾迴抱膝發長嘯，倚樹放鶴呼青童。

次韻楊庶夫舟行寄澱山寺作

江上潮來水拍沙船頭短、刺蘆芽腥風鯉魚貫楊柳暖雨鷓
鴒啼杏花種田老翁滿頭雪踏車女兒雙髻鴉放舟明日向何
處澱山寺幽同煮茶

送錢叅政

十年海宇混風塵今日勲庸屬縉紳謀國盡推才間世籌邊總
說智如神甲科自昔稱佳士大雅于今見舊人天入全吳沾雨
露風行三楚聽絲綸南州涵養婦元氣西徼安危倚大臣赤幟
過齊終入趙黃河繞渭未通秦秋高飲馬長城窟月落鳴笳泗
水濱檄下柳營朝遣將夢迴玉帳夜思親散金幕府收英俊東
帛丘園訪隱淪媿我才名非賈董感君交義重雷陳燈前劍舞
鷄鳴早海上書緘鴈過頻製得平淮碑頌了坐看高閣画麒麟

送張德常同知之嘉定

種得甘棠繞太湖宸官聲價動三吳洞庭野色搖旌旆練水秋
光入酒壺日與儒生歌泮藻時從野老問田租緋衣象笏人如
畫白鳥滄洲興不孤海邑總看新駐馬縣齋猶憶舊飛鳧他年
擬借星槎便同釣三江滿尺鱸

秋夜同鄭檢校聯句

秋滿江樓夜氣清馬銀河躡月出東城鄭天光滉漾連箕尾馬
雲氣蒼茫接岱衡鄭鼓角又隨砧杵動馬酒樽遙對海潮平鄭
脫巾直數千莖髮馬把劍猶含萬里情鄭望入紫微懷帝座馬
路從滄海達神京鄭當時后土歌瓊樹馬此夜緱山聽玉笙鄭
弟妹他鄉書信斷馬干戈滿地夢魂驚鄭親庭每受垂堂戒馬
即署新題入幕名鄭未有涓埃酬國士馬絕憐章句負書生鄭
黑頭拜相須江總馬玉節歸朝羨馬卿鄭南國便宜俱莫服馬

東藩賓客盡蜚英鄭歡娛且進盃中物馮邂逅休論閩外兵鄭

東皋詩卷之四終



東臯詩卷之五

七言絕句

白龍寺次韻鄭明德

湖北湖南水繞村半無烟火半無人經過僅有前朝寺一樹野
棠空自春

廢宅

樓臺瓦落半歌斜高樹陰、弔暮雅燕子飛來人不見東風猶
為發桃花

揚州

家住洞庭湖水頭幾迴夢裏在揚州玉簫吹徹瓊花月十二珠
簾總下鉤

荅蔡都事

亂後思君會面難，每憑尺素報平安。
花邊莫放羅衣薄，五月江南雨尚寒。

秦望春曉圖

疊疊青山繞會稽，雲門寺在若耶西。
歸來欲覓胡麻飯，流水桃花又隔溪。

懷羅負外翠雨亭

玉纖調蜜細推冰，萬竹涼生翠雨亭。
池上月華清似水，銀箏彈向阿誰聽。

畫鬼

二月江南無限春，茸茸芳草儘容身。
莫教野雉同三穴，恐有原頭打獵人。

溪山春曉圖

溪口春雲帶雨飛，春潮半沒釣魚磯。
山中見說堪歸隱，三月人家笋蕨肥。

折枝瓊花

一別淮南又五年，披圖不覺淚潸然。
當時后土花開處，都在黃雲落照邊。

偶成

家貧自畏四知金，看劍長吟復短吟。
一枕西風半窻月，他鄉時節故鄉心。

舟過西興

歷歷青山照眼明，海門風急暮潮生。
官船泊近西興渡，此是山陰第一程。

題小景

一箇茆亭傍翠微，半江秋水白鷗飛。
絕憐門外長松樹，不改青陰待我歸。

曾在東淮水竹居，山光雲影接吾廬。
如今又向江南見，不似當年好讀書。

擬宮詞

霜落芙蓉滿院秋，守宮香冷不勝愁。
君王愛聽霓裳曲，只醉西宮白玉樓。
五雲宮闕似蓬萊，魚鱗沉沉晝不開。
收得君王新綵段，自拈刀尺称身裁。

舟行

東風湖上畫舫開，水鳥沙禽莫浪猜。
不是詩人重行樂，好花容易落蒼苔。

水萍花上水禽啼，踈雨平林望轉迷。
獨倚蓬窗思愁絕，一聲漁笛斷橋西。

次韻劉可與從軍紀事

赤日炎炎人似醉，黃塵漠漠馬行忙。
樹陰打水消煩渴，不似金甌捧蔗漿。

歸來塵土滿征衫，又向西城解去驂。
何日風流得相似，華堂紅袖倚清酣。

日落陰、萬木低，洞庭湖在古城西。
子胥遺恨空黃壤，烟色風聲尚慘悽。

姑蘇臺下春無限，曾醉珠歌一點紅。
傳語春風留菡萏，明朝開向曲聲中。

丁未遺墨

自從辟掾三公府十載翱翔雨露邊未有涓埃酬國士須將忠
義答皇天囊中短疏成遺恨身後佳名愧昔賢玉石俱焚嗟此
日中原消息尚茫然

不見吾兄已四年江南江北各風烟歸來若欲相尋處朽骨如
霜落照邊

東臯先生詩卷之五終

補遺

婁東園雅集分韻得兩字

步出東郭門曦車蒲雲上園容媚嬋娟海色射泱泱老仙瀛洲
來鐵笛舊逸響好鳥啼木末驚起飛兩々珍圖襍湘帙於焉得
真賞清驪信浹洽間情足蕭爽歸與掩閑坐俗駕毋勞枉

涵空閣

步游靈岩山陟彼涵空閣層巒鬱深迴結構俯寥廓梯石擁闌
干飛軒並屋壑湖光日滉漾雲氣紛栖薄矯首縱遐觀湛宇翔
群鶴秦淮渺何許引領心有托餞 相晤言朋知足娛樂殷勤
送子行清風振臺柏

春夜樂

越羅複幔茱萸紅熾金繡帶蟠雙龍銅盤膩燭傳香蠟簾箔星

光釘文甲金刀割 紅釜烹荳蔻壓春頰玉罌神山舞盤蹋月
行雁沙印雪笛雲纓朱絲冷 金粟柱風流上客瓊林主碧海
烟中采香婦濕花仙骨沾春雨

獨酌謠

獨酌謠獨酌當中宵中宵萬籟寂獨酌興歌謠玉露下金井銀
河流素濤一酌再酌神思超安得十洲仙人共傾倒駕風鞭霆
歷覽八極同遊遨魯戈莫麾斥義車莫招搖便當甕頭醉笑解
黃金貂君不見車輪馬足長安道鷄鳴五更天未曉又不見北
印風雨跡如掃石蛇斷碣眠秋草天颺冷 吹我襟獨酌獨酌慰
我心流光去人那復得洗盞自歌還自吟

和楊庶夫新居韻

楊子樓居飲馬河書舟日 曦晴波未論粟里功名薄總為夔
州詩句多遠樹入簾秋若画亂雲渡水白於鵝何當共把凌風
袂醉和仙人鐵笛歌

古塘秋月

錢塘東去海潮生吳淞東來舟自橫十里金波秋浩蕩流光直
到闔閭城

東臯先生詩集後序

天之生才也無非有用於世未可遽以一
時人事而有所損益也譬諸椅桐馬經風
雨飽霜露卒乃采斫于老樵委置于爨夫
似無可作矣然一遇乎已知者從而加諸
斲削繼以絲繩以之調律呂以和人神名
當時而聞後世是知舍于此則必用諸彼
推此餘可槩見矣昔有元之季國政廢弛

疆宇窮蹙人之懷抱才德者不用而用者
非其人使君子之在野者既不遂展其抱
負憤鬱不平之氣惟一形諸詠歌而瀉之
猶冀在後或有知我者庶幾不負此心于
百世之下然其為志亦可哀已東海馬王
麟先生抱經濟長才而出非其時目擊時
政每扼腕太息屢以長策干肉食者而往
往為其所斥去雖知遇偽吳然亦吞舟之
魚而游支流卒亦莫能大展所蘊平時感
物傷時一見于詩情之所寓感慨繫焉其
工綴精粹前輩已有定論而誠為後學之
所矜式矣顧彼向之肉食者已同草木鳥
獸漂散糜潰不可追逐則不得以此而少
彼也第恨功業不見于時而後託之空言
不獨為先生惜而深為有國者惜焉詩舊
刻凡五卷所裒不廣不知當時惟采其精

而又精者存之邪其或兵戈焚蕩之餘所
存止是而已也歷歲寢久字畫漫漶寢不
可讀新進小生徒知稱好而不知為可重
其或知愛重者復無力以廣其傳正統己
巳秋余得善本于合淝薩文達氏是時事
與言會者不翅若合符節與之同寢食起
處凡數年尋復為人所持去近歲復得敝
冊較向所得其漫漶為尤甚遂俾東吳顧
英氏繕寫入梓重翼以金陵王公所為傳
以示同志俾讀先生詩者知其為人若此
於戲而又孰知慨我晤嘆之所自邪
成化改元季春禁烟後一日樗齋書